



Affischa

Suprastanza cumünala dals 25.11.2020

Presidi: Peer-Puorger Victor
Partecipant/s: Mayer-Schlegel Armon
Kirchen-Werro Armon
Riatsch-Fedi Fadri
S-chüsà: Caviezel-Domenig Ursina
Protocol: Oswald Gian Claudio
Fabrica: Paulmichl-Rodigari Albin
Gias/s:

tractandas	tema	responsabel
1	0120 Executiva Acconsentimaint protocol	tuots
2	0210 Administraziun cumünala Preventiv Quint economic e quint d'investiziuns 2021	vp/ap/go
3	0120 Executiva Orientaziuns	tuots
4	0120 Executiva Varia (suprastanza cumünala)	tuots

0120 Executiva

156 Acconsentimaint protocol

Il protocol da la sezzüda dals 16 da november 2020 vegn approvà.

0210 Administraziun cumünala

157 Preventiv

Quint economic e quint d'investiziuns 2021

La manara da finanzas s'ha, our da motivs da sandà, s-chüsada pella sezzüda.

Quint economic

La suprastanza repassa il quint economic pagina per pagina cun tuottas spartas. Mincha posiziun vegn tenor bsögn discussiunada. In special vegnan manzunats ils müdamaints cha la direcziun vaiva decis.

Quint d'investiziun

Il manader tecnic preschainta la fatschenda. Il quint d'investiziuns muossa expensas ill'otezza da frs. 2'941'000.00 ed entradas da frs. 1'797'300.00. Il resultat dal quint d'investiziuns demuossa investiziuns nettas da frs. 1'143'700.00. Per seguaints progets vegn amo suottamiss a la radunanza la dumonda da credit:

- sanaziun tir da culombs Plan da Chavas, proget	frs.	10'000.00
- sanaziun tir da chatscha Chant da L'Ardschiglia, proget	frs.	17'000.00
- chasa da scoula Strada, proget d'ingrondimaint	frs.	200'000.00
- infrastruttura zona plan da muglin	frs.	1'101'000.00
- provedimaint da stüder fö Alca da Fans, preproget	frs.	20'000.00
- SIE-sanaziun via da god Clisura, Patschai, Clisot	frs.	10'000.00 (credit supplementar)
- SIE sviamaint via da god Clisot	frs.	20'000.00 (credit supplementar)
- vasca per stüder fö Jürada	frs.	15'000.00
- tualetta publica Martina, proget	frs.	15'000.00

La suprastanza ordinescha adattamaints e deliberescha il preventiv 2021 a man da la radunanza cumünala.

Ultra da quai decid'ella da suottametter a la radunanza la proposta da laschar il pè d'impostas sco fin da qua, dimena sün 95% da l'imposta chantunala simpla.

0120 Executiva

158 Orientaziuns*Avegnir scoula Valsot*

Il gremi discussiunescha sur da l'avegnir da la scoula Valsot in connex cul lö da scoula. In quist connex sun gnüts fats sclerimaints perliminars d'ürant l'on 2020. Ils resultats nu sun amo cumplets, fuorman però üna basa pella decisiun da princip e consequentamaing eir pellas lavurs da progettaziun chi sun previssas i'l 2021. I'l preventiv 2021 es gnü büdschetà ün import da fr. 200'000.00 per quellas lavurs, quel import ha character approximativ. Apaina chi sun avantman infuormaziuns concretas quai chi pertocca la realisaziun, vegn suottamissa la dumonda da princip a la radunanza.

Revisiun totala da la planisaziun cumünala

Il capo, il manader tecnic ed il suprastant dal dicasteri, Fadri Riatsch, orienteschan, chi sajan entradas raduond 40 posiziuns in connex culla publicaziun da partezipaziun. Da quellas posiziuns derivan differantas dad advocats, incumbenzats dals proprietaris da terrain. La gronda part han inoltrà persunas privatas. Tanter tuot quistas posiziuns as rechatta üna petiziun, quella as drizza invers la situaziun da parcar illa fracziun da Ramosch. Interessantamaing vegn constatà chi sun entradas pacas posiziuns in connex cul tour our da la zona da fabrica parcelas opür parts da surfatschas da terrain da fabrica. Davart da la Protecziun da la cuntrada (Schweizerischer Landschaftsschutz, SL) es gnüda inoltrada üna posiziun chi's drizza üna jada cunter la situaziun cullas piazzas da parcar a Ramosch, e per l'otra cunter la zona da fabrica nouva illa fracziun da Tschlin. Eir davart da la Protecziun da la patria Engiadina e vals dal süd es gnüda inoltrada üna posiziun. Il cuntgnü da quella es sumgliainta a quella dal SL. Cun quellas instituziuns es da tscherchar il dialog. Per mincha singula posiziun ha da gnir fuormada üna risposta. Quellas vegnan trattadas da la cumischiun da planisaziun ed a la fin suottamissas a la suprastanza.

0120 Executiva

159 Varia (suprastanza cumünala)

Da la tractanda nu vegn fat adöver.

7556 Ramosch, 08.01.2021



Il capo:

Il manader administraziun: